

U G O V O R
ZA NABAVKU ODMARAČA ZA NOGE ZA POTREBE USTAVNOG SUDA
BOSNE I HERCEGOVINE

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Sarajevo, ulica Reisa Džemaludina Čauševića 6/III, Sarajevo, koga zastupa Nataša Vuković, generalni sekretar Ustavnog suda Bosne i Hercegovine, (u daljem tekstu: **Naručilac**),

i

„R&S“ d.o.o., Igmanska bb, Vogošća-Sarajevo, koga zastupa Kemal Selmanagić, direktor (u daljem tekstu: **Isporučilac**).

Član 1.

Predmet ugovora je nabavka i isporuka odmarača za noge za potrebe Naručioca, prema sadržaju ponude Isporučioca broj 10010/16 od 28. novembra 2016 godine koja je sastavni dio ovog ugovora.

Član 2.

Cijena za nabavku iz člana 1. ovog ugovora definisana je u ponudi Isporučioca iz člana 1. ovog ugovora i iznosi 4.200,00 KM bez uračunatog PDV-a odnosno 4.914,00 KM sa uračunatim PDV-om.

U cijenu su uračunati i troškovi isporuke u prostorije Naručioca - Reisa Džemaludina Čauševića 6, treći sprat, Sarajevo.

Član 3.

Isporučilac se obavezuje da će predmetnu robu isporučiti najkasnije do 31. decembra 2016. godine.

Isporučilac se obavezuje dostaviti robu Naručiocu, u traženim količinama i u dogovorenom roku, kvalitete koja odgovara kvaliteti iz ponude Isporučioca.

Član 4.

Isporučilac se obavezuje da robu fakturiše na osnovu otpremnice potvrđene od strane Naručioca da je robu preuzeo.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od sedam dana po kvalitativnom i kvantitativnom prijemu robe bez primjedaba i prijemu fakture, fakturu proslijediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 5.

Na odnose između ugovornih strana koji nisu uređeni ovim ugovorom primjenjuju se odredbe zakona o obligacionim odnosima u Bosni i Hercegovini.

Član 6.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 7.

Ovaj ugovor stupa na snagu danom potpisivanja od strane ovlaštenih lica ugovornih organa.

Član 8.

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

ZA ISPORUČIOCA

Kemal Selmanagić
Direktor

Sarajevo, 06.11.2016.

Broj: P3-502/16



ZA NARUČIOCA



Amra Vuković
Generalni sekretar
Ustavnog suda Bosne i Hercegovine

Sarajevo, 12.12.2016.

Broj: P3-502/16